

武英殿聚珍版丛书

天

地

人

物

事

理

法

道

水經注卷十一

後魏酈道元撰

易水 滏水

易水出涿郡故安縣閭鄉西山

易水出西山寬中谷

案此道元所謂北易今名中易水

東逕五大夫

城南昔北平侯王譚不從王莽之政

案從近刻作同

子興生

五子竝避時亂隱居此山故其舊居世以爲五大夫

城卽此岳讚云五王在中龐葛連續者也易水又東

左與子莊溪水合水北出子莊關南流逕五公城西

屈逕其城南五公卽王興之五子也

案卽近光武卽刻作猶

帝位封爲五侯元才北平侯益才安憲侯

案憲近刻訛作喜

顯才蒲陰侯仲才新市侯季才爲唐侯所謂中山五

王也

案近刻作中山之五王也

俗又以五公名居矣二城竝廣一

里許俱在岡阜之上上斜而下方

案二城以下十八字近刻訛在後館

之于其水東南入于易水易水又東右會女思谷水

水出西南女思澗東北流注于易謂之三會口易水

又東屈關門城西南卽燕之長城門也與樊石山水

合水源西出廣昌縣之樊石山

案縣上近刻衍鄉字

東流逕覆

釜山下東流注于易水易水又東歷燕之長城又東

逕漸離城南蓋太子丹館高漸離處也易水又東逕

武陽城南案近刻脫城字蓋易自寬中歷武夫關東出是兼

武水之稱故燕之下都擅武陽之名左得濡水枝津

故瀆武陽大城東南小城卽故安縣之故城也漢文

帝封丞相申屠嘉爲侯國城東西二里南北一里半

高誘云易水逕故安城南城外東流案近刻脫城字卽斯水

也誘是涿人事經明證案近刻訛作今水被城東南

隅案被近刻訛作破世又謂易水爲故安河武陽蓋燕昭王

之所城也東西二十里南北十七里故傳逮述遊賦
曰出北薊歷良鄉登金臺觀武陽兩城遼廓舊迹冥
芒蓋謂是處也易水東流而出于范陽

東過范陽縣南又東過容城縣南

易水逕范陽縣故城南

案逕下近刻衍出字復脫南字

秦末張耳陳

餘爲陳勝略地燕趙命蒯通說之

案命字近刻訛在燕趙上范陽

先下是也漢景帝中二年

案近刻訛作中元三年

封匈奴降王

代爲侯國王莽之順陰也

案近刻訛作之通順也

昔慕容垂之

爲范陽也戍之卽斯

案此十三字近刻訛在後臺北有蘭馬臺之上又卽斯下當有

脫文意欲圖還上京阻于行旅造次不獲遂中

案此十六字近

刻訛在後可得而尋下又上下當有脫文未詳

易水又東與濡水合水出故

安縣西北窮獨山南谷

案此道元所謂北濡今名北易水

東流與源

泉水合水發北溪東南流注濡水

案南流近刻訛作西北

濡水

又東南逕樊於期館西是其授首于荆軻處也濡水

又東南流逕荆軻館北昔燕丹納田生之言尊軻上

卿館之于此二館之城澗曲泉清山高林茂風煙披

薄觸可棲情方外之士尙憑依舊居取暢林木

案二館以

下三十三字近刻訛在前濡水又東逕武陽城西北

俗又以五公名居矣之下

案近刻舊竭濡水枝流南入城逕柏冢西冢垣城側
脫武字

卽水塘也四周塋域深廣有若城焉
案近刻柏訛作相垣訛作垣域

訛作城其水側有數陵墳高壯望若青丘詢之古老訪

之史籍竝無文證以私情求之當是燕都之前故墳

也或言燕之墳塋斯不然矣其水之故瀆南出屈而

東轉又分爲二瀆
案此下近刻有一水東注一水逕
金臺陂七字係重出衍文

故安城西側城南注易水夾塘崇峻邃岸高深左右

百步有二釣臺
案近刻脫有字二訛作一參差交峙迢遞相望更

爲佳觀矣其一水東出注金臺陂陂東西六七里南

北五里

案近刻訛作東西六七
十步南有金北五十步

側陂西北有釣臺高

丈餘方可四十步陂北十餘步有金臺臺上東西八

十許步南北如減

案此下近刻有高十餘
丈四字係重出衍文

北有小金

臺

案近刻脫
此五字

臺北有蘭馬臺竝悉高數丈秀峙相對

翼臺左右水流徑通

案徑近
刻作逕

長廡廣宇周旋被浦棟

堵咸淪柱礎尙存是其基構可得而尋訪諸耆舊咸

言昭王禮賓廣延方士至如郭隗樂毅之徒鄒衍劇

辛之儔宦遊歷說之民自遠而屆者多矣不欲令諸

侯之客伺隙燕邦故脩連下都館之南垂言燕昭創

之于前子丹踵之于後故雕牆敗館尙傳鐫刻之石

案近刻雖無經紀可憑
案近刻訛作雖無紀可憑
察其古跡似符

宿傳矣
案近刻脫宿字
濡水自堰又東逕紫池堡西屈而北

流又有渾塘溝水注之水出迺縣西白馬山南溪中

東南流入濡水濡水又東至塞口古累石堰水處也

濡水舊枝分南入城東大陂陂方四里今無水陂內

有泉淵而不流際池北側俗謂聖女泉濡水又東得

白楊水口水出迺縣西山白楊嶺下
案縣下近刻有之字
東南

流入濡水時人謂之虎眼泉也濡水東合檀水
案近刻作

檀山 水出遒縣西北檀山西南南流與石泉水會水

出石泉固東南隅水廣二十許步深三丈固在衆山

之內平川之中四周絕澗阻水八丈有餘石高五丈

石上赤土又高一匹

案近刻訛作四上有丈字係後人所加

壁立直上

案近刻作壁直立上

廣四十五步水之不周者路不容軌僅通

人馬謂之石泉固固上宿有白楊寺是白楊山神也

寺側林木交蔭叢柯隱景沙門釋法澄建刹于其上

更爲思立之勝處也其水南流注于檀水故俗有并

溝之稱焉

案近刻作矣

其水又東南流歷故安縣北而南

注濡水濡水又東南流于容城縣西北大利亭東南

合易水而注巨馬水也故地理志曰故安縣閭鄉易

水所出至范陽入濡水闕駟亦言是矣又曰濡水合

渠許慎曰濡水入涑涑渠二號即巨馬之異名

案巨馬河

注云即涑水也又云亦曰渠水故此言涑渠二號即巨馬之異名原本及近刻兩涑字並訛作深而說文

入涑今各本又訛作然二易俱出一鄉同入濡水南

入涑涑皆輾轉訛誤然二易俱出一鄉同入濡水南

案南濡見澹水內南易南濡並入澹而杜預云濡水入易蓋以下流既合互攝通稱北易可言入北

濡南易可言入南濡故曰二易俱出一鄉同入北易

至涿郡范陽縣會北濡又並亂流入涑

案此即上所謂濡水東南

合易而注
巨馬水也
是則易水與諸水互攝通稱東逕容城縣

故城北渾濤東注至渤海平舒縣與易水合
案道元敘北易

既會北濡入涑與涑水同逕容城至平舒與南易合以下則敘南易源流然二易混舉幾于不分非尋求

端緒竟似訛 闕駟曰涿郡西界代之易水而是水
此案

南易 出代郡廣昌縣東南郎山東北燕王仙臺東臺

有三峰甚為崇峻騰雲冠峰高霞翼嶺岫壑沖深含

煙罩霧耆舊言燕昭王求仙處其東謂之石虎岡范

曄漢書云中山簡王焉之窆也
案近刻厚其葬採涿

郡山石以樹墳塋陵隧碑獸竝出此山
案此下近刻有謂之石虎

山山六字係有所遺二石虎後人因以名岡山之東

重出衍文
麓案近刻脫山字即泉源所導也經所謂閭鄉西山案近刻西訛作

曲脫山字其水東流有砮水南會渾波同注俗謂之爲雹

河司馬彪郡國志曰雹水出故安縣世祖令耿況擊

故安西山賊吳耐蠡符雹上十餘營皆破之即是水

者也易水又東逕孔山北山下有鍾乳穴穴出佳乳

採者篝火尋沙入穴里許渡一水潛流通注案近刻訛作潛

通流其深可涉于中衆穴奇分令出入者疑迷不知

所趣每于疑路必有歷記返者乃尋孔以自達矣上

又有大孔豁達洞開

案豁近刻訛作壑

故以孔山爲名也其

水又東逕西故安城南

案城下近刻衍其字

卽閭鄉城也歷送

判陘北

案送近刻訛作逕

耆舊云燕丹餞荆軻于此因而名

焉世代已遠非所詳也遺名舊傳不容不詮庶廣後

人傳聞之聽易水又東流屈逕長城西又東流南逕

武隧縣南新城縣北

案隧近刻作遂下同

史記曰趙將李牧伐

燕取武隧方城是也俗又謂是水爲武隧津

案近刻脫是字

津北對長城門謂之汾門

案汾近刻作分下同

史記趙世家云

孝成王十九年趙與燕易土以龍兌汾門與燕

案近刻脫

王字燕以葛城武陽與趙卽此也亦曰汾水門又謂土字

之梁門矣易水東分爲梁門陂易水又東梁門陂水

注之水上承易水于梁門東入長城東北入陂陂水

北接范陽陂陂在范陽城西十里方十五里俗亦謂

之爲鹽臺陂陂水南通梁門淀方三里淀水東南流

出長城注易案近刻謂之范水易水自下有范水通脫城字

目又東逕范陽縣故城南卽應劭所謂范水之陽也

易水又東逕樊輿縣故城北漢武帝元朔五年封中

山靖王子劉條爲侯國王莽更名握符矣地理風俗

記曰北新城縣東二十里有樊輿亭故縣也易水又

東逕容城縣故城南漢高帝六年封趙將夜于深澤

景帝中三年以封匈奴降王唯徐盧于容城

案唯近刻訛作

攜皆爲侯國王莽更名深澤也易水又東逕水注之

案逕近刻訛作渥下同

水上承二陂于容城縣東南謂之大逕

淀小逕淀其水南流注易水謂之逕洞口

案洞近刻訛作同

水側有渾逕城易水逕其南東合澁水故桑欽曰易

水出北新城西北

案西近刻訛作城

東入澁自下澁易互受

通稱矣易水又東逕易京南漢末公孫瓚害劉虞于